

Jesu le ba Hlokang



Sabatha Mantsiboea

Bakeng sa Thuto ea Beke ena Bala:

Luka 1:46–55, 4:16–21, 7:18–23, Matt. 12:15–21, Matt. 21:12–16, Mareka 11:15–19, Esa. 53:3–6.

Temana ea Khopolo:

“Moea oa Morena o ho 'na, kahobane o ntlotitse; o nthomile ho bolella mafutsana evangeli, ho folisa ba pelo tse bohloko, ho bolella ba holehiloeng hore ba tla lokolloa, le ba fufetseng hore ba tla boela ba bone, le ho bolela selemo sa Morena se molemo” (Luka 4:18, 19).

Amang a mabaka a ho tsoaloa nameng, Jesu o tlike ho re bontša hore na Molimo o joang. O entse sena ka lithuto tsa hae, ka sehlabelo sa hae, le ka bophelo ba hae; ke hore, mokhoa oo a kopa-kopaneng le batho fela. Boholo ba liketso tsa hae li ile tsa etsa phetoho ea hang-hang maphelong a batho ba bang. Taba ena ea bosebeletsi ba Mesia e ile ea porofetoa ke baporofeta ba Testamente ea khale, ke 'm'e oa Jesu Maria, le Jesu ka sebele ha a hlalosa thomo ea hae therong ea pele e tlalehiloeng (Luka 4). Holima moo, lingoli tsa li-Evangeli hangata li sebelisitse puo ea Testamente ea Khale ho hlalosa hore Jesu o entse joalo ka ha ba phetile hore o tla etsa. Ka tsela ena, bophelo ba Jesu bo ile ba bonoa hantle litloaelong tsa baporofeta bana, ho kenyeletsa le kutloelo-bohloko ea bona bakeng mafutsana le ba hateletsoeng. Baetapele ba bolumeli, leha ho le joalo, ba ile ba nka Jesu joalo ka sera. Mohlala o mobe oa ho hloka toka le oa bokhopo, ke oa ha ba tsoarisa Jesu, le ho mo qosa ka leeme, le ho mo thakhisa. Ka Jesu, Molimo oa tseba hore na ho hloka toka ho joang — 'me, lefung la hae, o senotse bobbe ba bokhopo. Tsohong ea hae, leha ho joalo, o re hloletse bophelo, molemo, le topollo.

* *Ithute thuto ea beke ena ho lokisetsa Sabatha sa la, Phato 17.*

Pina ea Maria

Nahana pono eo: Maria o sa tsoa fumana molaetsa ho tsoa ho lengeloi Gabriele matsatsana a sa tsoa feta. Le mo boleletse hore e tlo ba 'm'e oa Jesu, Mora oa ea holimo-holimo. Ha a so bolelle mang kapa mang, empa o chakela Elizabetha, moamani le eena ea seng a holile, eo le eena a lebeleletse ngoana oa mohlolo. Ka pono ea semoea Elizabetha o ela hloko litaba tsa Maria le pele Maria a ka ba le monyetla oa ho mo bolella letho, 'me 'moho ba keteka litšepiso le molemo oa Molimo.

Bala Luka 1:46–55. Ela hloko ho tsoakana ha lithoriso lipakeng tsa se neng se reretsoe eena fela—”hobane ea matla o nketselitse tse kholo”“ (Luka 1:49)—ha ho se ho akaretsoa. Hobaneng lithoriso le khumamelo ea rōna ho Molimo e lokela ho kenyetsoa bobeli lintho tsa motho ka mong le tse akaretsang?

Pina ee e makatsang e ka kenang hantle Lipesalemeng kapa lingoloeng tsa lithothokiso tsa baporofeta ba ba-Heberu. Maria o tletse ka khaphatseho ea boikutlo ba ho hlolloa le ho leboha ho Molimo. Ruri o bone Molimo a sebetsa bophelong ba hae, empa hape o etse hloko boikarabello bo boholo ba morero oa Molimo bakeng sa sechaba sa habo ke moloko oa batho. Empa kutloisisong ea Maria, ha se hore fela Molimo o matla le ho lokeloa ke thoriso, hape o mohau 'me o bonahala a na thahasello e khethehileng ho ba ikokobelitseng, le ba hatelloang le mafutsana. Lengeloi le ne le sa tsoa tloha ka mora ho phatlalatsa “litaba tse molemo” tsa tlhaloso ea ho tsoalo ho Maria hang ha a qala ho bina pina e latelang: “O lihile babusi literoneng tsa bona, 'me o phahamisitse ba ikokobetsi. Ba lapileng o ba khorisitse molemo, 'me ba ruileng o ba khutlisitse ba le fela”“ (Luka 1:52, 53). Qalong ea pale ea bophelo ba Jesu lefatšeng, o hlalisoa e le 'musi (sheba Luka 1:43)—empa e le 'musi oa puso ea mofuta o fapaneng. Joalo ka ha ba boleli ba bangata ba hlalositse, 'muso oa Molimo oo Jesu a tlileng ho u hloma le ho o theha e ne e le fapaneng ha u bapisoa le mokhoa oa sechaba oa tsamaiso ea mebuso ea lefatše lena. Tlhaloso eo re nang le eona ea 'muso oa Jesu, ba matla le ba ruileng ba lefatše ke ba morao, 'me mafutsana le ba hateletsoeng ba ea lokolloa, le ho “tlatsoa,” le ho phahamisoa.

Haeba kereke e lokela e bonahatse 'muso oa Molimo, kereke e etsa hantle ha kae ho bonahatsa 'muso oo o fapaneng haholo ho oa lefatše oo Maria a o hlalositse? Ke joang ntho e kang ee e ka qopitsoang, empa re ee ka leeme melebana le ba matla le ba ruileng, bao le bona e ntseng e le baamoheli ba lerato la Krete?

Polelo ea Thomo ea Jesu

E ka ba e ne e reretsoe ho baloa bakeng sa letsatsi leo kapa Jesu ka boomo o ile a fumana litemana tse loketseng (Esa. 61:1, 2) bukeng eo ae filoeng ho bala, ha se ka tšohanyetso hore e be litemana tsena e bile karolo ea thero ea hae ea pele sechabeng. Hape ha se ka tšohanyetso hore pale ea Jesu e khutšoanyane ho Luka 4:16–21—“Kajeno lengolo le phethetse le ikutloela”“(Luka 4:21)—e be e qala tlaheho ea Luka ea boseletsi ba Jesu ba sechaba. Jesu o bonahala e ka o nka morethetho ho tsoa pineng ea Maria ea ’muso o fapneng le emeng le ho o kenya tšebetsong bosebeletsing ba hae. Jesu—le Luka ho pheteng pale ea Jesu—o sebelisitse boporofeta ba Esaia ho hlalosa seo Jesu a neng a se etsa le ho tla se etsa, empa hape e ne e le mokhoa o mong oa ho bonahatsa seo Maria a se hlalositse lilemong tse mashome a mararo tse fetileng. Mafutsana, le ba utloisoang bohloko, le ba hateletsoeng ke thaka ea leihlo le ba amoheli ba litaba tse molemo tseo Jesu a neng a li tlisa.

Jesu o ile a nka litemana tsena ho tsoa ho Esaia 61 e le polelo ea thomo. Bosebeletsi ba hae le thomo bobeli e ne e taba ea semoea le ho etsa, ’me o tla bontša hore semoea le ho etsa ha li ea arohana joalo ka ha re nahana ka linako tse ling. Bakeng sa Jesu le barutuo ba hae, ho hlokomela lithoko tsa batho bonyane e ne e le karolo ea ho ba hlokomela semoeeng.

Bala le ho bapisa Luka 4:16–21 le 7:18–23. O nahana hore hobaneng Jesu a arabile ka tsela ee? Ke joang o ka arabelang lipotsong tse joalo ka bo-molimo le bo-Mesia ba Jesu?

Ha Jesu a Ba-Roma barutuo ba hae, thomong a ileng a ba fa eona hape e ne e lumellana le thomo ena. Ha ba ne ba phatlalatsa hore “‘Muso oa Molimo o atametse” (Matt. 10:7), ha tsoela pele taelong ea hae Jesu ho barutuo ba hae o itse “‘Folisang ba kulang, le tsose bafu, le ntlafatse ba-lepera, le lahlele batemona ntle; le neiloe feela, nehang fela’” (Matt. 10:8). Bosebeletsi ba bona lebitsong la hae e ne e le ho bonahatsa le ho etsa metheo ea bosebeletsi ba Jesu le ’muso oo a memelang batho ho oona. Barutuo, ba ne ba lokela ho ikopanya le Jesu thomo ea hae ho phahamisa ba morao, le ba fokolang, le ba lahlehileng.

Ke joang lekanyang mosebetsi le molaetsa o mahlonoko oa ho ruta molaetsa oa mangeloi a mararo lefatšeng? Hobaneng sohle seo re se etsang se amana ka tsela e itseng le molaetsa oo re o phatlalatsang oa “nako oa joale”?

Jesu oa Folisa

Li-Evangeli ka lipale tsa mehlolo ea Jesu, haholo-holo ea pholiso. Joalo ka ha Esaia a ile a porofeta, o ile a folisa ba fofetseng le ho lokollang ba neng ba le litlamong tsa bokuli, mohlomong ka mora lilemo tse ngata tsa ho hoehla (sheba, ka mohlala, Mareka 5:24–34, John 5:1–15). Empa o entseng se fetang sena: O entseng hore liritsa li tsamaee; a folisa ba-lepera—e seng ka lentsoe empa le ka ho ba ama, leha ba ne ba sa “hloeka” joalo; O ile a leleka matemona a neng a hateletse likelello le ’mele ea batho; le ho tsosa bafu. Re ne re ka labella hore mehlolo ena e be e hohelang letsoele le ho bontša matla a hae ho ba bahanyetsi ba hae le neng ba na lipelaelo ka eena. Empa ena e ne e se eona taba kamehla. Ho e na le hoo, hangata Jesu o ne a fana ka taelo ho motho ea folisoeng hore a se ke a bolella motho. Ha ho bonahala hore batho ba sa tsoa folisoa ha bana ho boloka taelo ena le ho boloka litaba tse hlollang tse etsahetseng ho bona, Jesu o ne a leka ho bontša hore mehlolo ea hae e ne e supa ntho e ’ngoe e bohlokoa ho feta ho thabisa batho. Pakane le joale e ne e le hore batho ba fumane pholoho ho eena. Leha, mehlolo ea pholiso ea Jesu e ne e le ponahatso ea kutloelo-bohloko ea hae. Ka mohlala, pejana ho phepo ea batho ba likete li hlano, Mattheu o li beha tjena, “Jesu ha a e-tsoa, a bona bongata bo boholo, a ba utloela bohloko, a folisa ba kulang ba bona” (Matt. 14:14). Jesu a utloela bohloko ba neng ba le bohlokong ’me a etsa seo a ka se khonang ho batho bao a neng a kopana le bona ho ba thusa le ho ba phahamisa.

Bala boporofeta ba Esaia ho Mattheu 12:15–21. Ke ka litsela life Esaia le Mattheu ba tsebisang seo Jesu a neng a se etsa e le ntho e ’ngoe e fetisang fela ho folisa ba ’maloa—kapa le bona ba makholo a fokolang—a batho ba kulang?

“Mohlolo ka mong Krete a o entseng e le pontšo ea bomolimo. O ne a etsa mosebetsi o boletsoeng pele oa Mesia; empa ho bafarisi mesebetsi ena ea mohau, e ne e le lehlaba. Baetapele ba se-Juda ba ne ba sheba bohloko ba batho ka lipelo tse se nang kutloelo bohloko. Liketsahalong tse ngata boikhabo ba bona le khatello li bakile matšoenyeha ao Krete a a tlositseng. Ka hona mehlolo ea hae e bona e ne e le nyeliso.”—Ellen G. White, *The Desire of Ages*, p. 406. Mehlolo ea Jesu ea pholiso e ne ele liketso tsa kutloelo bohloko le toka. Empa maemong ohle, e ne e se qetello ka bo eona. Qetellong sohle seo Krete a se entseng e ne e le ka sepheo sa ho isa batho bophelong bo sa feleng (sheba John 17:3).

Ho Hloekisa Tempele

Ha re bala lipale tsa Jesu li-Evangeling, ha ngata re hoheloa ke semelo sa jesu—Tlhokomelo ea hae ho ba kulang, le bana, lipale tsa hae tsa ho batlana le ba lahlehileng, le puo ea hae ka 'muso oa Molimo. Sena e ka ba lebaka la hore na hobaneng lipaleng tse ling moo re 'monang a etsa ka matla le ka bohale—haholo khahlanong le baetapele ba bolumeli ba nako ea hae le mekhoea e meng ea bona—li ka re makatsa.

Bala Mattheu 21:12–16, Mareka 11:15–19, Luka 19:45–48, le John 2:13–17. Ke bohlokoa bofe ba hore lipale tse tšoanang tsee liboleloa litlalehong tsohle tsa li-Evangeling?

Ha ho makatse hore e be letsahalo ena e kenyeletsoe ho e 'ngoe le e 'ngoe ea li-Evangeli. Ke pale e tletseng ka liketsahalo, le mokhoa, le cheseho. Jesu o ne khathatsehile ka tšebeliso ea tempele ka tsela ena le ka ho nkeloa ha khumamelo ea 'nete sebaka ke thekiso ea liphoofole tsa mahlabelo. Tšenyō e hlolla ea seo mahlabelo ao a neng a se bolela, e neng e le pontšo ea lefu la Hae bakeng sa libe tsa lefatše! Ketso e lumellana hantle le tloaelo ea baporofeta ba ba-Heberu. Ntlha ena e suptjoa ho e 'ngoe le e 'ngoe ea tlaleho ea li-Evangeli e ka ba ka Jesu kapa lingoli tsa li-Evangeli ha ba qotsa ho tloha ka Esaia, Jeremia, kapa Lipesaleme ho hlalosa se neng se etsahala paleng ena. Batho ba bona Jesu e le moporofeta (sheba Matt. 21:11) 'me ba tla ho eena ha a ntse a folisa le ho ruta mabaleng a tempele ka mora ho phahla barekisi le ba ananyang ka chelete. E bile batho ba fumanang pholo ka ho ba ama le tšepo e totang lipelong tsa bona ha bantse ba mametse lithuto tsa hae.

Baetapele ba bolumeli hape ba ela hloko Jesu e le moporofeta—e le motho ea kotsi matleng a bona le boiketlong ba mokhoa oa bona oa tsamaiso ea sechaba—'me rera ho bolaea Jesu, ka tsela tšoanang le ea baholo ba bona bailing ba rera khahlanong le baporofeta lilemong tse fetileng (sheba papiso ena ho Luka 19:47, 48).

Re le litho tsa kereke, ke joang re ka etsang karolo ea rōna ho ntefatsa hore likereke tsa lehae ha li be joalo ka libaka tse hloakang seo tempele e neng e se hloka nakong ea Kreste? Ke joang re ka qobang liketso tseo tsa semoea? Tse ling tsa tsona e ka ba life ha e le hantle?

Sefapano sa Krete

Hore Molimo ke Molimo ea bonang le ho utloa lillo tsa mafutsana le ba hateletsoeng ho ea khothatsa. Hore Molimo ke Molimo eo, ka Jesu, a bileng le maiphihlelo le ho jara boima bo fetisang ba lefatše ba ho hloka botho, ba khatello, le ho hloka toka, ho ea hlolla. Ho sa natsoe kutloelo-bohloko le molemo oo Jesu a o bonahalitseng bophelong ba hae le bosebeletsing, lefu la Hae le tlile ka lebaka la lehleo, mona, le ho hloka toka. Ho tloha thapelong ea Jesu ea mahlomola serapeng sa Gethesemane ho isa ho tšoaroeneng ha hae, “liteko,” ho hlorigoa, ho songoa, ho thakhisoa, le lefu, o ile a mamella bohloko ba etisang, le bokhopo, le bobo, le matla a khatello. Tseno tsohle li ne li mpefatsoa ke ho hloka molato, le bohloeki, le molemo oa ea neng a feta hara tsena: “athe o ifelisetse ka ho nka sebopeho sa mohlanka, ka ho iketsa ea tšoanang le batho. ’Me ha a hlahile a le joalo ka motho, o ikokobelitse, a iketsa ea utloang ho isa lefung, e, le lefung la sefapano!” (Ba-Fil. 2:7, 8). Ka likhalase tsa pale ea topollo, re bona botle ba sehlabelo sa Jesu bakeng sa rōna, empa ha rea likela ho lebalabala bokhopo ba ho hlokoatsoa le ho hlokeloa toka hoo a beling le maiphihlelo a hona.

Bala Esaia 53:3–6. See se re bolella eng ka se ileng sa etsahala ho Jesu, ho utloa bohloko ha ea se nang molato lebitsong la ba molato? Ke joang see se re thusang ho utloisisa seo a fetileng ho sona molemong oa rōna?

Ho Jesu, Molimo oa tseba hore na ho joang ho ba lehlatšipa la bokhopo le hloka toka. Ho qosoa ha motho ea se nang molato ke halefisang; ha ka kang ho bolaoa ha Molimo. Molimo o nkile sebopeho sa rōna boemong bo oeleng le bo putlameng, hoo re ke keng ra belaela ka kutloelo bohloko ea hae, le botšepeli: “Hobane moprista e moholo eo re nang le eena, ha se ea ka sitoang hore utloela bohloko mefokolong ea rōna; hobane o lekiloeng nthong tsohle joalo ka rōna, empa ha a ka a etsa sebe (Heb. 4:15). Tšenolo e hlolang ea semelo sa Molimo! Ke joang re qalang ho beha likelello tsa rōna litabeng tse molemo ka Molimo ka seo sefapano se se bolelang?

Ka tsohle tseo re etsang bakeng sa Morena, haholo-holo ho fihlela bahloki, hobaneng re lokela ho bolaka lefu la Jesu, ea nkileng sebaka sa rōna—e seng fela bakeng sa rōna empa le bao re ba thusang—e le khubu ea thomo le sepheo sa rōna?

Ho Ithuta Haholoanyane:

Bala Ellen G. White, “In the Footsteps of the Master,” pp. 117–124, in *Welfare Ministry*; “Days of Ministry,” pp. 29–50, in *The Ministry of Healing*; “The Temple Cleansed Again,” pp. 589–600; “In Pilate’s Judgment Hall,” pp. 723–740, in *The Desire of Ages*. “Molimo o fane ka bopaki bo kholisang lentsoeng la hae hore o tla otlala ba tlolang molao oa hae. Bao ba ithetsang ka hore mohau oa hae o senyekhe-nyekhe hoo a ke keng a otlala moetsalibe ka toka, ea lokelang ho sheba sefapanong sa Golgotha. Lefu ea Mora ea se nang sekoli oa Molimo le paka hore ‘moputso oa sebe ke lefu,’ le hore tlolo efe kapa efe ea molao oa Molimo e lokela ho fumana kotlo ea eona e loketseng. Kreste ea se nang sebe e bile sebe bakeng sa batho. O ile a jara molato oa tlolo ea molao, le ho pata sefahleho sa Ntate, ho fihlela pelo ea hae e robeha ’me bophelo ba hae bo felisoa. Sehlabele sena sohle se ile sa etsoa hore baetsalibe ba tle ba lopolloe. Ho ne ho se ka tsela e ’ngoe ea hore baetsalibe ba lokolloe kotlong ea sebe. ’Me moea o mong le o mong o hlatolang ho nka karolo phekong ea fanoeng ka theko e boima hakalo, o tla itjarela ka bo-eena molato le kotlo ea tlolo ea molao.”—Ellen G. White, *The Great Controversy*, pp. 539, 540.

Lipotso tsa Puisano:

1. Bala polelo ea Ellen G. White e ka holimo. Buang ka bonnete ba ho hloka toka: Kreste, ea neng a se na molato, ea ileng a nka kotlo ea ea molato! Hobaneng ho le bohlokoa haholo ho boloka ’nete ee kapele ho rōna?
2. Jesu ha a so a ka a buellela nchafatso ea sepolitiki e le ho tlisa ’muso oo a neng a bua ka oona. Hape, nalane e tletse ka lipale tse bohloko tsa batho ba ileng ba sebelisa matla le khatello, ka lebitso la ho thusa ba fokolang le ba hateletsoeng. Hangata se fehlietsoeng e bile sehlopha sa khatello se nkeloang sebaka ke se seng. Leha Bakreste ba ka khona le ho sebetsa le matla ao ho leka ho thusa ba tlatlapuoang, hobaneng ba lokela ho khathatseha ka ho sebelisa lipolitiki ho fihlela qetello ee?
3. Nahana ka seo morero oa topollo o se fupereng. Jesu, ea lokileng, eo e bang lehlatsipa la ho hloka toka—bakeng sa e mong le e mong oa rōna. Hobaneng sehlabele sena se sehlo, bakeng sa rōna, se re etsang batho ba bacha ho Kreste?

Kakaretso:

Li-Evangeling, bosebeletsi ba Jesu bo hlalisoa leho hlalosoa ka mosebetsi oa baporofeta ba Testamente ea Khale. Litaba tse molemo bakeng sa ba hlopheleng, tokoloho ho ba hataletsoeng, le pholo ho ba lipelo li robhileng li ile tsa boleloa e le matšoao a Messia—e leng seo Jesu a se bontšitsen bosebeletsing bohle ba hae. Empa, lefing la hae, o ile a utloa bohloko bo matla na ho hloka toka ’me qetellong a hlola bobbe bo fetisang ba botho bo oeleng le ho hloka botho. Re leboha lefu la hae le hlokileng toka bekeng sa rōna, libe tsa rōna li ka tšoareloa, ’me re na le pallo ea bophelo bo sa feleng.